

# MUNSTER MORITZ




1997

Moritatsänger: Sepp Mayer, Hans Haslinger, Hans Rothmeier, Sepp  
Schmalhofer, Georg Brummer, Ernst-Günther Eckert

Zeichnungen: Thomas Rothmeier, Hans Farnhamer

Idee: Hans Farnhamer

Da **Kerzn Kopschitz** der  
 hot an Weiha  
 im Bäder-Eck  
 in Griesbach drom  
 a groaße Kreuzfahrt  
 kimmt eahm z'teia  
 drum is er mit  
 seim Schiffal gfahrn  
 Kaam auf Kurs  
 herjemine  
 sauft er o -  
 auf seinem See



An **Auer Karle**  
 hot's in d'Füaß gfrom  
 dös is für eahm  
 a groaße Plog  
 a teierne Soim hot  
 er sich auf trogn  
 bei da Nacht  
 und a beim Dag  
 auf oimoi hams  
 n sakkrisch brennt  
 vom Bus is er  
 in Schnee ei grennt

Da **Brodshelm Erwin**  
 und da **Löw Fred**  
 ham in da Kircha  
 sKrippal baut  
 ein gsperrt warns weil  
 d'Tür net auf geht  
 a drei, vier Stund  
 sche dumm hams schaut  
 schrei deans oi zwoa  
 ois wia net gscheit  
 bis das da Mes  
 na hots befreit





Da *Niedahofa*

*Max und Paule*

keman hoam

um Mittanacht

im Stoi da gibts a

groaße Gaude

da hot a Stier



a Kaiwe bracht

die Moral

von der Geschicht

trau koana Koim

im Stiern-Stoi nicht



Da *Frauenbund* is

gfahrn in Woid ei

Auf Bildungstour

voll Wissensdurst

in jeda Kircha

mächtns drin sei

obwoi ma üba-

oi zoin muaß

An Opfa-Stog

hams Geld ei gschobn

s' war's Ofaloch

dös is net glogn

Vom *Burgamoasta*

d' Frau, de *Lisa*

hat iam Ma

an Weg auf gstreit

sie braucht dazua

a weng an Riesl

den's vo da Kistn

aussa greit

sie rutscht aus

reckt d' Füaß in d' Höh

da Deckl zua

dös tuat fei weh



